



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

1. Significatio fluviorum Tartari.

[urn:nbn:de:hbz:466:1-68709](#)

De eiusdem sævissimo tribunali Statius 2. Thebaid.

Fortè sedens media regni infelcis in arce
Dux Erebi, populos poscebat crimina vitæ,
Nil hominum miserans, iratúsque omnibus Ulbris,
Stant furiæ circùm, varieque ex ordine Mortes,
Sævaque multisonas exercet Poena catenas.

De Proserpina comminiscuntur Poëtæ, eos, qui essent morti proximi, ab ipsa primùm tonderi; nec aliter diem suum obire posse: & hanc caussam Didonis difficulter morientis affert Maro 4. Æneid.

Nondum illi flavum Proserpina vertice crinem
Abstulerat, Stygiisque caput damnaverat orco.

Hoc insinuat Horatius lib. 1. Od. 28.

Mista senum ac juvenum densantur funera, nullum
Sæva caput Proserpina fugit.

Et Satyra 5. lib. 2. Tiresias cum Ulysse pauca locutus, à Proserpina retrahitur. Sed me (inquit ille)

Imperiosa trahit Proserpina; vive, valéque.

Hoc ipsum inuit Tibullus lib. 3.

At mihi Persephone nigram denuntiat horam.
Est enim illa mortis ac vitæ arbitra implacabilis.

Qui verò moritur, cùm sit orci vicitima, censemur ab ea tonderi, similitudine à pecudibus traducta, quæ cùm in sacris immolarentur, capitæ earum setæ ferro secabantur. Virgil. 6. Æneid.

Er summas carpens media inter cornua setas,
Ignibus imponit sacris libamina prima.

Ethica.

I. (a) Alibi retulimus ex Marone, Plutonis regiæ, ferream esse portam præstructam, quæ pessulis, claustrisque firmissimis obmunita, accipit adeuntes, trajecto prius Acheronte fluvio, cui nomen απὸ τῆς ἀχείου, οὐαὶ πέν, quasi doloris fluvius. Alii deducunt ab α particula privante, & χαιρω gaudeo: hoc est, gaudio carens. Dicitur excipere defunctorum animas, quia cùm morituri sunt homines; subtristis quidam torpor mentem ita labefactat, ut propinqua mors ex eo facile sentiatur: tunc enim conscientia, rerumque gestarum memoria animum perturbat, ideoque hæc palus omnibus primò est trajicienda. Acherontem excipit Styx, & ipsa fluvius

(a) Significatio fluviorum Tartari.

fluvius seu palus infernalis, significatque *mæstitiam*: quid enim apud inferos, nisi illætabilis horror? vel dicitur ἀπὸ τοῦ συγκριτικοῦ, timeo, odio. Injicit enim odium erga transacta facinora, quæ sera pœnitentia consequitur. Ex Styge profluuit *Cocytus*, nomen habens ἀπὸ τοῦ κωνυχεύου, *lamentari, lugere*. Præter hos fluvios aut paludes, ambit regiam Plutoniam

----- rapidus flammis torrentibus amnis

Tartareus *Phlegethon*; torquètque sonantia saxa. 6. Æneid.

Appellationem trahit à φλέγω, ardor.

Serviunt hæc omnia ad doctrinam moralem:

Nam II. (b) Quod Poëtae Plutonem fecerint regem Erebi potentem, sceptroque tremendum, meritò possumus transferre ad cacodæmones, qui ab Apostolo Ephes. 6. vocantur *Principes & Potestates, & Rectores mundi ac tenebrarum*. Quorum quanta sint odia, & quam crudelis tyrannus in genus mortalium, qui vel apud inferos ab iis torquentur, vel in vivis exigitantur, non est necesse pluribus ostendere; cum ē sacris constet litteris, hos esse tortores & carnifices à Deo immissos ad sontes cruciandos. Nec incredibile est, dæmones terribilium bestiarum formas assumere ad damnatos horribilius torquendos. In Isaia legimus c. 34. *Et occurrit demonia onocentauris, & pilosus clamabit alter ad alterum: ibi cubavit lamia, & invenit sibi requietum.* *Onocentaurus* est monstrum ex asino infernè, & ex homine supernè conflatum. *Pilosus*, sunt dæmones, specie hircorum, quos sæpe in conventibus sagarum induunt, quosque vetustas Faunos & Satyros dixit. *Lamiae*, sunt dæmones succubi, vel illorum spectra, quæ *Empusa* dicuntur, apparentque mulierum formâ, ad homines in Venerem illiciendos & perdendos; inceduntque uno pede. Huc applicari potest, quod Deus Deut. 32. minatur. *Dentes bestiarum immittam in eos, cum furore trahentium super terram, atque serpentum.* Quis enim satis explicet, quibus larvis sese Alastores teterimi, extra & intra Stygem hominibus objicerint, objiciantque? Unde sacris in paginis afficiuntur nominibus variis, videlicet *serpentum, scorpionum, leonum, pardorum, luporum, vulpium, aporum* &c. Terribile est, quod noster Matthæus Raderus scribit in Viridario SS. de Cosma monacho; cui inter alia tremenda spectra sese aspectabilem diabolus fecit hoc modo: Ad formidandi cuiusdam scopuli, & fluminis infra subjecti portam ingentem, modicè apertam, excubabat gigantea mole monstrum, aspectu fœdum & atrum, truci & atroci vultu, luminibus distortis, grandibus, cruento suffusis, flamarum faces ejaculantibus, naso fumum proflante, lingua totum cubitum extra os extas;

E e e

ertas;

(b) *Monstra oricina.*